

Regulativ

Cussegl pastoral



pleiv catolica romanaTrun

CUNTEGN

I. DETERMINAZIUNS GENERALAS	1
Art. 1 Remarca preliminar.....	3
Art. 2 Num.....	3
Art. 3 Intent e finamiras	3
Art. 4 Egalitad dallas schlatteinas.....	3
II. DISPOSIZIUNS ORGANISATORICAS.....	3
Art. 5 Organisaziun dil cussegl pastoral	3
A. CUSSEGL PASTORAL	4
Art. 6 Commembers	4
Art. 7 Perioda d' uffeci	4
Art. 8 Constituziun	4
Art. 9 Pensums e cumpetenzas.....	4
Art. 10 Sedutas	4
Art. 11 Invitaziun	4
Art. 12 Cumpetenzza da decider.....	5
Art. 13 Elecziuns e votaziuns	5
Art. 14 Protocol	5
B. GIUNTA DIL CUSSEGL PASTORAL	5
Art. 15 Commembers	5
Art. 16 Pensums e cumpetenzas.....	5
Art. 17 Sedutas	6
Art. 18 Invitaziun	6
evo	
C. SECTURS	6
Art. 21 General	6
Art. 22 Sector "LITURGIA e DIACONIA"	6
Art. 23 Sector "ANNUNZIAZIUN e CUMINONZA"	7
Art. 24 Menader dils secturs.....	8
Art. 25 Sedutas dils singuls secturs.....	8
D. FINANZAS	8
Art. 26 Preventiv	8
Art. 27 Rendaquen	8
III. DISPOSIZIUNS FINALAS	8
Art. 28 Entrada en vigur.....	8
Art. 29 Midadas dil regulativ	9
Art. 30 Approbaziun	9

DETERMINAZIUNS GENERALAS

Art. 1 Remarca preliminara

Tenor art. 4.3 dil statut general per cussegls parochians digl uestgiu da Cuera san pliras pleivs colligiadas en circuit pastoral ereger communablamein in cussegl parochial.

Art. 2 Num

La pleiv catolica romana Trun, ch'ei colligiada en in circuit pastoral cun il plevon, eregian communablamein in cussegl parochial e numnan quel **“cussegl pastoral”**.

Art. 3 Intent e finamiras

¹ Il cussegl pastoral ei in organ ecclesiastic, el qual parochianas e parochians s'engaschan per ina stretga collaboraziun denter la pleiv e la vischnaunca da Trun.

² Il cussegl pastoral collaborescha cul plevon e cusseglia quel en tuts fatgs da pastoraziun ed organisaziun parochiala. Ils commembers dallas gruppas s'occupeschan – mintgin e mintgina tenor ses duns – cun in ni plirs dils dus pensums fundamentals dalla Baselia e lavur pastoral. Quels pensums ein:

- Liturgia e diaconia
- Annunziaziun e cuminonza

Art. 4 Egalitad dallas schlatteinas

Las indicaziuns davart personas, funcziuns e professiuns en quella costituziun serefereschan sin omisduas schlatteinas.

II. DISPOSIZIUNS ORGANISATORICAS

Art. 5 Organisaziun dil cussegl pastoral

Il cussegl pastoral ei organisaus suandontamein:

- a) Cussegl pastoral
- b) Giunta dil cussegl pastoral
- c) Secturs

A. CUSSEGL PASTORAL

Art. 6 Commembers

¹ Il cussegl pastoral ei limita us sin 17 commembers.

² Il cussegl pastoral secumpona ord ils suandonts commembers:

- a) Commembers d'uffeci: il plevon, ulteriurs spirituals en pastoraziun ni responsabel per la pastoraziun, ina representanta dallas catechetas, in delegau che representa la suprastanza dalla pleiv.
- b) Commembers elegi dalla radunonza generala dalla pleiv ein quater personas.
- c) Ils ulteriurs commembers vegnan numnai entras il plevon.

³ Dretg da vegnir proponius ha scadin parochian da sedisch onns ensi.

⁴ Vegliadetgna e schlatteina dueigi esser representada commensuradamein.

Art. 7 Perioda d'uffeci

La perioda d'uffeci cuoza treis onns. Ina reelecziun ni renominaziun ei adina pusseivla.

Art. 8 Constituziun

Il cussegl pastoral seconstituescha sesez – per regla mintgamai sunter la radunonza generala d'elecziun dalla pleiv.

Art. 9 Pensums e cumpetenzas

- a) Elecziun dalla giunta
- b) Approbaziun dils protocols dallas sedutas dil cussegl pastoral
- c) Eleger ils menaders da secturs da lavur
- d) Coordinaziun dallas gruppas dils differents secturs
- e) Preparaziun ed approbaziun dil program annual
- f) Rapport annual per mauns dalla radunonza generala dalla pleiv.

Art. 10 Sedutas

¹ Il cussegl pastoral seraduna silmeins inagada ad onn.

² Sedutas san era vegnir convocadas sche:

- a) La giunta dil cussegl giavischa ina tala.
- b) Minimum 1/5 dils commembers dil cussegl pastoral pretendan ina tala.

Art. 11 Invitaziun

¹ L'invitaziun succeda a scret cun communicar las tractandas.

² L'invitaziun duess per regla succeder silmeins 10 dis avon la seduta.

Art. 12 Cumpetenzza da decider

Il cussegl pastoral sa decider sche silmeins la mesadad dils commembers ein presents.

Art. 13 Elecziuns e votaziuns

¹ Las elecziuns e las votaziuns vegnan pridas cun maun pli.

² Sin giavisch da silmeins d'in present ston votaziuns vegnir menadas atras cun scrutini.

³ Tier paritad dallas vuschs vala ina proposta pertuccond fatschentas per buca acceptada.

⁴ Tier paritad dallas vuschs tier elecziuns decida la sort.

Art. 14 Protocol

Igl actuar surpren la redacziun dil protocol.

B. GIUNTA DIL CUSSEGL PASTORAL

Art. 15 Commembers

La giunta dil cussegl pastoral secumpogna ord ils suandonts commembers:

- a) President dil cussegl pastoral
- b) Il plevon ni il responsabel per la pastoraziun
- c) Igl actuar

Art. 16 Pensums e cumpetenzas

- a) La giunta dil cussegl pastoral:
 - prepara las sedutas dil cussegl pastoral
 - procura la realisaziun dils conclus dil cussegl pastoral
 - decida en caussas che pretendan in spert conclus
 - survigilescha las gruppas dils secturs e segidan cun quellas
 - intervegn en situaziuns problematicas cun consultar la suprastonza dalla pleiv
 - redegia il rapport annual per mauns dalla radunonza generala

b) Il president

- Envida e meina las sedutas dil cussegl e dalla giunta
- Mantegn il contact cun la suprastonza dalla pleiv

Art. 17 Sedutas

¹ La giunta dil cussegl pastoral seraduna tenor basegns.

² Ina seduta sa plinavon vegnir convocada da mintga commember dalla giunta.

Art. 18 Invitaziun

L'invitaziun allas sedutas ordinarias succeda per regla a scret cun comunicar las tractandas in'jamna avon la seduta.

Art. 19 Cumpetenzza da decider

La giunta dil cussegl pastoral sa decider sche silmeins dus commembers ein presents.

Art. 20 Votaziuns

Tuttas votaziuns vegnan pridadas cun maun pli.

C. SECTURS

Art. 21 General

¹ En vesta dils differents pensums ch'ina pleiv sto ademplir el temps hodiern, secumpogna il cussegl pastoral da duas gruppas – secturs da lavur – che corrispundan allas quater funcziuns elementaras dalla Baselgia e lavur pastorala tenor art. 3 al. 2 da quest reglement.

² Als singuls secturs stattan pliras gruppas da lavur a disposiziun. Da quellas gruppas san era persunas ch'ein buca commembers dil cussegl pastoral far part.

Art. 22 Sectur “LITURGIA e DIACONIA”

Sut sectur “*liturgia*” capeschan ins rituals per ludar Diu e per seprofundar en la cardientscha. La liturgia cumpeglia tuttas fuormas da survetsch divin, oraziun e cant, simbols, sacraments e benedicziuns, sco era vestgius ed utensils che vegnan duvrai el survetsch divin.

Il plaid “*diaconia*” deriva dil lungatg grec e munta ”survir”. Sut diaconia capeschan ins tut ils aspects dil survetsch al concarstgaun che schabegian en connex cun la Baselgia. Las vertids cristianas dalla diaconia semuossan en solidaritad, cumpassiun, agid spontan e.a.v.

Pensums pil sectur liturgia e diaconia:

- Sustegn dil plevon en damondas e giavischs che pertuccan la liturgia.
- Segidar ed accumpignar il survetsch divin tier messas da famiglias ed affons.
- Fixar el program annual accents che dattan peisa alla diaconia.
- Organisaziun dall’uncziun dils malsaus ed attempai, ev. cumbinau cun ina sentupada.
- Responsabladad per visetas en casa da vegls a Trun ed ordeifer la vischnaunca, nua che nos convischins ein secasai, silmeins inagada ad onn.
- Contact cun auters cussegls pastorals.
- Responsabladad per retscheiver las baras ed accumpignar quellas en stiva da bara.

Art. 23 Sectur “ANNUNZIAZIUN e CUMINONZA”

Il cristianissem capescha sut “*annunziaziun*” il far paleis il plaid da DIU, pia sia nuviala, sia veta e missiun. La fuorma classica schabegia entras il priedi resp. la meditaziun el survetsch divin, denton era en la catechesa e scolaziun da carschi.

Ina cuminonza ligia ils carstgauns in cun l’auter. Cheutras dat ei ina certa identitad. Negin sa esser cristians mo per sesez. Igl esser Baselgia sebase sin la cuminonza. Gia Jesus ei buca viandaus persuls. Naven dall’entschatta da sia missiun ha el rimnau ses giuvnals. Suandar Jesus e baghegiar vid il Reginavel da Diu ei perquei pusseivel mo da cuminonza.

Pensums pil sectur annunziaziun e cuminonza:

- Agid tier la tgira dils usits e dallas tradiziuns localas.
- Organisaziun da pelegrinadis, viadis.
- Organisaziun d’aperitivs:
 - > dumengia’alva
 - > Creisma (di dalla mumma organisau da Trun Turissem)
 - > perdanonza Schlans
 - > perdanonza Zignau
 - > perdanonza Trun
- Organisaziun dil di da suppa.
- Vendita candeilas da Pastgas.
- Organisaziuns dad acziuns spezialas (p.ex. cuors da cardientscha, scolaziun).
- Contact cun il plevon - sentupadas e discussiuns.
- Responsabladad e cussegliaziun per la redacziun dil fegl parochial.

Art. 24 Menader dils secturs

¹ Ils menaders per mintga sectur vegnan elegi dil cussegl pastoral.

² Ils menaders meinan las sesidas dil sectur ed ein responsabels per l'execuziun dils pensums da siu agen sectur.

Art. 25 Sedutas dils singuls secturs

¹ Ils singuls secturs dil cussegl pastoral seradunan tenor basegns.

² Per l'invitaziun e las tractandas ei il menader dil sectur responsabels.

D. FINANZAS

Art. 26 Preventiv

¹ Per cuvierer ils basegns finazials concedan la pleiv al cussegl pastoral in preventiv annual, il qual vegn fixaus mintgamai entras la suprastonza dalla pleiv en concordanza cun la giunta dil cussegl pastoral.

² Per acziuns spezialas che survargan quei preventiv sa la suprastonza dalla pleiv conceder in credit supplementar.

Art. 27 Rendaquen

L'administraziun sco era la survegionza dil preventiv e rendaquen succeda entras il cassier dalla pleiv.

III. DISPOSIZIUNS FINALAS

Art. 28 Entrada en vigur

¹ Quest regulativ survegn vigur legala suenter esser acceptaus dalla radunonza generala dalla pleiv.

² Quest regulativ remplazza il regulativ dalla pleiv s. Martin, Trun, dils 21 da november 2012.

Art. 29 Midadas dil regulativ

Il regulativ sa vegnir midaus sche duas tiarzas dils commembers dil cussegl pastoral pretendan ina tala midada. L'approbaziun da talas midadas succedan entras la radunonza generala dalla pleiv.


Art. 30 Approbaziun

Quest reglement ei vegnius approbaus entras la radunonza generala dalla pleiv dils 13 d'avrel 2016.

Per la pleiv catolica romana Trun

Trun, ils 13.04.2016

Il president: Serafin Rensch



Igl actuar: Gieri Martin Maissen




Per il cussegl pastoral

Trun, ils 16.04.2016

La presidenta: Cristina Derungs-Lutz



Il pl plevon: Tomasz Piotr Drwal



Repartiziun:

- Plevon
- Presidenta cussegl pastoral
- Suprastonza pleiv
- Archiv